


Treuerensis Archiepiscopus à metropoli eiusdem in eo nominis sic dictus. vrbs autem ipsa cum Italia Viterbio ac Genua de antiquitate sua certat: vtraque enim totius Europæ se primam iactat. Dicitur autem Trebetus quidam, Semiramidis Assyriorum Regina priuignus, cum à nouerca ad concubitum sollicitaretur, quòd matris conspectum ac conatum euitaret, postquàm sibi de comestu viaticoque prospexisset, conscensa nauis cum comitatu suo mari se commisisse, ac post longam nauigationem ei loco quo Rhenus flu. in Oceanum effunditur, appulisse. aduerso itaque Rheni flumine ascendisse, donec ad Mosellam amnem peruenisset. cumque istum locum quo Treueris hodie sita est, ingressus fuisset, regioque agris, pratis, omnibusque irriguis amœnissima, montibusque quasi naturali muro munita arrideret, illic inuito cum socijs consilio, manere statuisse, qui condita ibi vrbe, eam de Principis sui nomine Trebetam appellauere. Illi itaque populi vrbenomenque suum vetustum etiamnum seruant, vno alteroque tantum mutato elemento, vt pro Trebera Treuera nunc dicatur. quàm autem auite hoc sit commentum, vide Geographiam nostram maiorè, vel saltem libellum istum Germanicum quem Memorabilia Mundi inscripsimus, in quo & verum eius etymon inuenies. Apud hos insignis olim cognoscendarum causarum curia populi Romani erat. Archiepiscopali hodie dignitate ac principatu, nec non & electoratus titulo clara est. Habetque ecclesiam metropolitanam Mediomatricis, Leucis, Virodunensibusque præsentem. Cõrinet autem Treuerensis episcopi ditio Comitatus VVirnebergensem, Spanheimensem, Manderichendensem & Arburgensem. Baronatus item Rifferscheidensem, Rutlingensem, & Rheineccanum. Cum multas habeat egregiasque ciuitates, omnium tamen caput est ipsa Treueris, quæ ad delicias & amœnitatem situm habet aptum satis, siue montes & valles, siue flumina & riuos prata perlantes spectare velis. Montes Bacchico cultu virent. Ager satis hic est fecundus: omne genus piscis & ferinæ hic abundat. Mores hominum hic natorum plerumque tristes sunt, & ad melancholiam procliuus, sed tamen mansuescunt paulatim commercio extraneorum, & Stoicum illud supercilium cõiuctu quasi recreatur. Aufonius bene de Treueris meritis, alicubi de illis aptissime ait: Quin etiam mores & lætum fronte seuera Ingenium natura suis concessit alumnis. Aër frequenter hic est nubilus & pluuiosus, vt quidam huc accommodent cloacam planetarum: id tamen propter cõuallam vbi nebula suspenduntur, euenire satis liquet. In vniuersum Mosellanorum corpora laboribus mirè induruerunt, ac per montes aërios veluti capræ reptare & euadere spectantur. Palatium Treuiri est spectandæ antiquitatis. alix insuper moles adhuc extant, alix sub cœcis terræ speluncis sepultæ iacent. Spectat ad hunc Episcopatum etiam Obrincani tractus pars, quæ paucis abhinc annis ad magnam fertilitatem est perducta; antea enim ægrè produxit frumentum, nisi ager prius duobus aut tribus annis fuisset simo tinctus ac pingue factus. nunc verò omnia ibi satis largè proueniunt præter vinum, quod tamen iuxta aureum fluium, nonnullisque alijs locis crescit. Eyphalæ quoque potior pars huic Episcopatu subest, terra multum montosa & aspera, agerque præsertim in medio syluestris & squalidus, vnde præter auenam vix quicquam elici potest. versus Rhenum tamen & Mosellam fecundior est. Fluminibus autem irrigatur is tractus Kilo qui & Gelbis, Prumio, Vvro, Sara, Ahra, Sura, ac infinitis alijs ignobilioribus amnibus, torrentibus, ac riuulis, qui omnes tandem Mosellæ, quæ Obrinca Ptolemæo dicitur, commixti ad Rhenum deferuntur. Montes quibus regio asperatur, Melibœi Abnobiq; portiones sunt, alicubi Ostlingus, alibi Hairicus dicitur. Sylux autem partim VVestervald, partim verò Eydervald qui & Ebersvvald vocatur. Lacus continet hic tractus binos, quorum alter iuxta castrum Vimen extat, tantæ profunditatis, vt fundus illius nulla mensura possit deprehendi. plumbo etiam ad 300. orgyas demisso. Alter haud procul abest à monasterio quodam dicto *zum Lach*; profundus & hic est; nec vllum riuum recipiunt, cum multos emittant. In hoc ad Abbatiam lacu lapides inueniuntur viridis, crocei & rubicundi coloris, vt Smaragdos & Hyacinthos mentiantur. Minerarum perè omnis hic tractus fecundus est. In Comitatu Spanheimensi haud procul à Trarbacho iuxta Hernsteinensem arcem æs cuprumque purissimum eruitur, à quo nullum segregatur argentum, ob idque ductile est, cõ nullum ei admisceatur plumbum. Alio in loco prope Trarbach effoditur plumbi magna copia, quod sine impensis magnis depuratur. In Bircenfeldensi præfectura, pluribus in locis argenti venæ sese offerunt fossoribus. In dominijs Sleida, Cronenburg & Keila, in valle Heilenthal dicta, sũt ferri mineræ, vbi massæ & fornaces fusiles fiunt, qui vltra citraque per Germaniam transportantur. Thermæ ægritudinibus varijs salutes, visuntur in Bertric, distantes à Mosella sexquimiliario.



IOANNES D G ARCH



S ROMANVS P P



